

尚

書

證

義

尚書證義

商書湯誓

王曰。格爾眾庶。悉聽朕言。非台小子。敢行稱亂。有夏多罪。天命殛之。

釋詁台我也。釋言稱舉也。殛誅也。

今爾有眾。汝曰。我后不恤我眾。舍我穡事。而割正夏子。惟聞汝眾言。夏氏有罪。予畏上帝。不敢不正。  
說文割剝也。幽風八月剝棗。毛傳剝擊也。是割猶擊也。孟子征之為言正也。是正猶征也。此湯述其有眾之辭。而告以奉天伐夏也。

今汝其曰夏罪其如台夏王率遏眾力率割夏邑  
有眾率怠弗協曰時日曷喪予及汝皆亡夏德若  
茲今朕必往

史記作夏罪其奈何台何聲相近班固典引今  
其如台而獨闕也此湯述商眾詰問夏罪之辭  
而下文答之也釋詁遇止也史記夏本紀云夏  
桀不務德而武傷百姓也說文割剝也多方云  
剝割夏邑也白虎通天子所居夏曰夏邑殷曰  
商邑周曰京師釋詁協服也鄭注桀見民欲叛  
乃自比于日曰是日何嘗喪乎日若喪亡我與  
汝亦皆喪亡引不亡之徵以脅恐下民也伏生  
大傳云夏人飲酒相和而歌曰盍歸于亳盍歸  
于亳亳亦大矣伊尹入告于王曰大命之去有  
日矣王曰天之有日猶吾之有民也日亡則吾  
亦亡矣新序刺奢篇桀作瑤臺為酒池糟堤縱  
靡靡之樂伊尹舉觴告曰君王不聽臣之言亡  
無日矣桀曰吾有天下猶天之有日也日有亡

乎日亡吾亦亡矣其事又見韓詩外傳諸書所載皆同鄭注此湯述夏桀拒諫之辭而明其必往而征也

爾尙輔予一人致天之罰予其大賚汝爾無不信

朕不食言爾不從誓言予則孥戮汝罔有攸赦

釋詁賚賜也食僞也鄭注大罪不止其身又孥戮其子孫周禮云其奴男子入于罪隸女子入于舂稟

尚書證義

平湖周用錫述

盤庚上

盤庚遷于殷民不適有居率籲眾威出矢言

書序自契至于成湯八遷鄭注契本封商國在

太華之陽皇甫謐云今上洛商是也即今陝西

商州史記契生昭明世本云昭明居砥石其地

無考史記昭明子相土商頌云相土烈烈左傳

襄九年士弱對晉侯曰陶唐氏之火正閼伯居

商丘祀大火而火紀時焉相土因之杜注商丘

在宋地其後微子封此漢書地理志云梁國睢

陽故宋國微子所封也即今河南歸德府商丘

縣史記相土至湯十二世書序云湯始居亳從

先王居蓋從契父帝嚳所都也地理志河南郡

偃師縣有尸鄉殷湯所都續漢志偃師縣屬河

鄉在縣西三十里是湯之都亳在偃師盤庚復  
 遷之其地亦謂之殷鄭注書序云商家自徙此  
 而改號曰殷今偃師是也王注自祖乙五世至  
 盤庚元兄陽甲宮室奢侈下民邑居墊隘水泉  
 瀉鹵不可以行政化故徙都于殷感當讀為戚  
 說文顛呼也引商書曰率顛眾戚後案以為貴  
 戚之臣是也史臣記盤庚將由耿遷于亳殷民  
 動于在位之浮言而不往有居盤庚先呼眾貴  
 戚之臣而出誓言

曰我王來既爰宅于茲重我民無盡劉不能胥匡  
 以生卜稽曰其如台

左傳僖十五年晉於是乎作爰田服虔注爰易  
 也史記張湯傳劾鼠掠治傳爰書韋昭注爰換  
 也訓異義同玉篇盡終也釋詁毗劉暴樂也大  
 雅持采其劉毛傳劉爆爍而希也釋言匡正也  
 言我先王祖乙以來既易居于此所以重我民  
 為邦本欲其繁庶而不終患寡今我民用蕩析

離居不能相正以生用卜稽之曰如之何則可蓋謀遷于天命也

先王有服恪謹天命茲猶不常寧不常厥邑于今五邦今不承于古罔知天之斷命矧曰其克從先王之烈。

釋詁服事也鄭注湯自商徙亳數商亳器相耿為五邦書序云盤庚五遷此謂湯遷亳仲丁遷器河亶甲居相祖乙居耿合盤庚遷殷為五遷也書序序所以為作者之意故數盤庚遷殷而為五矢言述先王之居云五邦不云五遷故鄭數商丘而為五五邦五遷言各有當不得強合為一也此言天命之當遷

若顛木之有由蘖天其永我命于茲新邑紹復先王之大業底綏四方

由古文粵省說文粵木生條也引商書曰若顯  
 木之有粵枿又云古文言由枿徐鍇曰說文無  
 由字今尚書作由枿蓋古文省弓而後人因省  
 之通用為因由等字釋詁枿餘也方言晉衛之  
 閒曰枿釋文引馬注肄生曰枿是馬本亦作枿  
 也說文木部又引書若顯木之有粵櫛云伐木  
 餘也重文藥云櫛字或从木薛聲是藥櫛枿古  
 今字竝同商頌苞有三藥漢書敘傳注亦引作  
 苞有三枿此言天命遷殷之吉

盤庚敷于民由乃在位以常舊服正法度曰無或  
 敢伏小人之攸箴王命眾悉至于庭

說文敷覺悟也釋詁由自也盤庚知民之不適  
 有居動於浮言乃覺悟其民而先自在位之臣  
 用常舊之事而齊其法度恐民有作箴規闕者  
 壅於上聞乃先戒之曰無或敢伏小人之所箴  
 王乃命在位之眾悉至外朝之庭以聽訓



王若曰。格汝眾。予告汝訓。汝猷黜乃心。無傲從康。

釋言猷可也說文黜貶下也王言來汝眾臣子告以訓典汝可貶下乃心無傲亦無從康

古我先王亦惟圖任舊人共政王播告之修不匿

厥指王用丕欽罔有逸言民用丕變今汝聒聒起

信險膚予弗知乃所訟。

說文播布也言部引商書曰王譖告之云敷也字缺義同廣雅指意也漢書孔光傳不希指苟

合三篇不字凡十皆語辭周書亦多不字尺語辭皆從畧釋言逸過也馬注聒聒拒善自用之

意說文引商書曰今汝慤慤云善自用之意也蓋脫落拒字文異義同信讀如伸考工記引而

信之欲其直起信引信其說也小雅以奏膚公毛傳膚大也說文訟爭辯也言古我先王亦惟

謀用舊人以共國政凡先王播告之修明能宣上德而不匿其意先王用是尊崇奉命惟謹而

罔有過言民亦用是感化今汝聒聒拒善引伸此危險夸大之言予弗知汝何為而爭辯乎

非予自荒茲德惟汝含德不惕予一人予若觀火

予亦拙謀作乃逸。

說文含。賺也。含德猶訟卦云食舊德也。說文惕敬也。玉藻天子自稱曰予一人。觀與燿通。周禮司燿鄭注。燿讀如子若。觀火之觀。今燕俗名湯熱為觀。呂氏春秋本味篇。燿以燿火。說文拙不巧也。火部引商書曰。予亦拙謀。云火不光也。義為暗於謀。意同。言非予由是廢茲德。澤惟汝世食舊德而不敬予一人。予心之攸困。譬若燿火。予亦拙於謀國。以起汝之過也。

若網在綱。有條而不紊。若農服田力穡。乃亦有秋。

有條不紊。喻我之謀遷正法度。不必畏難。乃亦有秋。喻爾之從遷共喜康。不可惡勞。

汝克黜乃心。施實德于民。至于婚友。不乃敢大言。

汝有積德。

言汝傲言世有積德然汝能貶下乃心而布實德於民并及於婚姻僚友始可以大言積德

乃不畏戎毒于遠邇。惰農自安。不昏作勞。不服田畝。越其罔有黍稷。

釋詁戎大也。昏強也。粵于也。越與粵通。其古期省。言汝不畏大害於遠邇而從康不遷如惰農之偷安不勉強以作勞苦不有事于田畝至于收成之期則無有黍稷矣

汝不和吉言于百姓。惟汝自生毒。乃敗禍姦宄。以自災于厥身。乃既先惡于民。乃奉其恫。汝悔身何及。相時儉民。猶胥顧于箴言。其發有逸口。矧予制乃短長之命。汝曷弗告朕。而胥動以浮言。恐沈于

眾若火之燎于原不可嚮邇其猶可撲滅則惟汝眾自作弗靖非予有咎。

和讀如鄭風倡予和女之和說文吉善也百姓  
詳堯典周禮大司馬以先愷樂獻于社鄭注先  
猶導也說文承奉也是奉猶承也釋言恫痛也  
說文儉諛也儉利于上佞人也心部引商書曰  
相時懋民云疾利口也文異義同釋言逸過也  
戰國趙策唯大王有意督過之沈如周語沈伏  
之沈廣雅靖安也言汝不和善言于百姓惟汝  
自作孽乃甘為敗禍姦宄害人而適自害乃既  
導民以惡則必承其怨痛汝雖後悔而身已無  
及相此利口之小民猶瞻顧于人之箴規而默  
不發其發之則有督過其口矧子為元后能制  
汝殺生之命汝何弗告朕而相動以險膚之浮  
言以嚇伏于眾譬火之燎于平原其烈若不可  
近而終可撲滅此則爾之自作不安而非予之  
過也

遲任有言曰。人惟求舊器。非求舊。惟新。

鄭注。遲任。古之賢史。

古我先王。暨乃祖乃父。胥及逸勤。予敢動用非罰。  
世選爾勞。予不掩爾善。茲予大享于先王。爾祖其  
從與享之。作福作災。予亦不敢動用非德。

左傳。昭元年。弗去懼。選。杜注。選。數也。邶風。不可  
選也。毛傳云。不可數也。從。享。周禮。司勳云。凡有  
功者。銘書于王之。大常。祭於大。烝也。言古我先  
王。與乃祖乃父。相共此安逸。勤勞。予豈敢用不  
當罰之罰。世。世數。爾。勤勞。予亦未嘗掩爾之善。  
茲。予大。烝。以。享。先王。爾祖。其。從。配。享。則。善。作。福。  
惡。作。災。予亦豈敢動用不當德之德乎。

予告汝于難。若射之有志。汝無侮老成人。無弱孤

有幼各長于厥居勉出乃力聽予一人之作猷。

釋言阻難也是難猶阻也釋器金鏃翦羽謂之鏃骨鏃不翦羽謂之志儀禮既夕禮猴矢一乘骨鏃短衛志矢一乘軒輶中亦短衛鄭注志猶擬也習射之矢引書若射之有志左傳成十五

年蕩澤弱公室襄十七年華臣弱臯比之室杜注弱侵易之周禮外饗邦饗者老孤子鄭注孤子者死王事者之子也幼猶下篇云有眾也廣雅長善也言子告汝以阻艱不前則當如習射之有志矢姑試其發汝無侮慢老成無侵易孤子及凡幼者各自善于其居勉強出力以聽子一人之作爲

無有遠邇用罪伐厥死用德彰厥善邦之臧惟汝眾邦之不臧惟予一人有佚罰。

佚古與失通周語淫失其身游俠傳遂行淫失漢書杜欽傳失欲生害皆讀失爲佚

凡爾衆其惟致告自今至于後日各恭爾事齊乃位。度乃口罰及爾身弗可悔。

度古文敷省說文敷閉也閉口無浮言

尚書證義

平湖周用錫述

盤庚中

盤庚作惟涉河以民遷乃詒民之弗率誕告用亶

其有眾咸造勿褻在王庭盤庚乃登進厥民

釋詁亶誠也其有眾當從蔡傳合下咸造為句  
釋言作造訓同是造猶作也史臣記盤庚既啓  
行由河北渡河南以民遷殷乃再詒民之弗從  
者大告而開以誠其眾臣咸作勿得褻慢在王  
庭盤庚乃登進其民使盡遷

曰明聽朕言無荒失朕命

嗚呼古我前后罔不惟民之承保后胥感鮮以不



# 浮于天時。

說文后繼體君承奉也釋名浮孚也聘義孚尹  
 旁達鄭注孚讀為浮是孚與浮古通君爽若卜  
 筮罔不是孚是也言古我前后無不以民命為  
 奉民亦保佑其后而相感君民憂樂相同是以  
 凡事無不信合于天時

殷降大虐先王不懷厥攸作視民利用遷汝曷弗  
 念我古后之聞承汝俾汝惟喜康共非汝有咎比

# 于罰。

釋言殷中也懷如左傳懷與安之懷聞讀如孟  
 子仁聞之聞王制必察小大之比以成之鄭注  
 已行故事曰比比例也言中葉天降大害先王  
 不敢懷安其所舉動惟視民之所利即用遷汝  
 何弗思我古后之聞其奉汝使汝者惟欲以喜  
 康相共非以汝有過失而例之於罰也

予若顛懷茲新邑亦惟汝故以丕從厥志

釋言若順也懷來也周禮小史掌邦國之志鄭司農云志謂記也言予順先王之事招呼共來此新邑者亦惟汝喜康之故以從前志

今予將試以汝遷安定厥邦汝不憂朕心之攸困  
乃咸大不宣乃心欽念以忱動予一人爾惟自鞠  
自苦若乘舟汝弗濟臭厥載爾忱不屬惟胥以沈  
不其或稽自怒曷瘳

釋言試用也說文忱誠也動予一人合上為句釋言鞠窮也濟渡也倉頡篇臭敗也與好通廣雅好敗也載釋文讀如代反臭厥載猶小雅云載輪爾載也說文屬連也其古期省說文稽留止也後漢書馬援傳何足久稽天下士言今予將用汝以遷安定其邦域汝不憂朕心之所困

乃皆不宣布乃心敬念以至誠感動予一人爾  
惟自窮自苦譬之共乘一舟汝中流不渡則必  
敗壞其載今爾不以誠心相連屬惟皆及于溺  
不及期同遷而或稽留雖自怒曷有愈乎

汝不謀長以思乃災汝誕勸憂今其有今罔後汝

何生在上

說文誕詞誕也徐云妄為大言也廣雅勸助也  
言汝不計長久以思災害而妄為大言以助人  
之憂是但有今日而罔顧後患其何有生理於  
在上乎言天之斷其命也

今予命汝一無起穢以自臭恐人倚乃身迂乃心

一屬為一也周語卻孽見其語迂單子曰迂則  
誣人漢書五行志載此語師古注迂夸誕也賈  
子禮容語篇迂作訐說文訐詭譎也訐迂聲義  
竝同言今予命汝屬為一無作穢惡以自敗恐  
人有仗汝之身誣汝之心者

子迓續乃命于天。子豈汝威用奉畜汝眾。

釋詁：迓，迎也。言天將斷汝之命，子迓續乃命于天。子豈以汝威用以奉養汝眾爾。

予念我先神后之勞爾先，予丕克羞爾用，懷爾然。

釋詁：羞，進也。如後漢書和帝紀：賜諸侯王公將軍特進之進，言子念爾舊勳，欲特進爾用，來爾于新邑也。

失于政，陳于茲。高后丕乃崇降罪疾，曰：曷虐朕民。

釋詁：塵，久也。孫炎云：古者陳塵同。釋詁：崇，重也。言子若失于政令而久于耿邑，高后乃重降以罪疾，曰：何為而虐朕民乎。

汝萬民乃不生生，暨予一人猷同心。先后丕降與

汝罪疾，曰：曷不暨朕幼孫有比。故有爽德，自上其

### 罰汝汝罔能迪

說文生進也王注生生進進也進進同心願欲之意釋言爽差也釋詁迪作也言汝萬民乃不進進從遷與予一人之謀同心先后則亦降與汝罪疾曰胡不與朕幼孫協比故有差忒自上其罰汝汝又何能作為乎

古我先后既勞乃祖乃父汝共作我畜民汝有戕則在乃心我先后綏乃祖乃父乃祖乃父乃斷棄

### 汝不救乃死

作當從集韻讀子賀切釋言作為也為之假借呂氏春秋審為篇高誘注讀如相為之為大雅福祿來為箋云為猶助也作之假借後漢書廉范傳不禁火民夜作音義云讀若佐是聲轉而義仍相訓古人訓詁多通於音也君爽作汝民極立政作三事呂刑自作元命音義亦皆如佐

大雅侯作侯祝亦讀子賀切訓義別異則當作  
賊說文賊字从戈則聲簡策脫落傳誤也則在  
乃心屬上為句周禮夏采以乘車建綏鄭注綏  
當作綏字之誤也又云士冠禮及玉藻冠綏之  
字故書亦多作綏此蓋諉字之誤釋言諉諉累  
也釋文引孫炎云楚人曰諉秦人曰諉說文繫  
傳云諉諉謂不能自決而以屬累於人也言我  
先后既勤勞乃祖乃父汝當共佐我畜養斯民  
汝或有戕賊包藏乃心我先后不自決而諉之  
乃祖乃父乃祖乃父遂棄絕不顧而不救汝之  
罰死

茲予有亂政同位具乃貝玉乃祖乃父丕乃告我  
高后曰作丕刑于朕孫迪高后丕乃崇降弗祥

釋詁亂治也說文具共置也漢書食貨志金刀  
龜貝所以通有無也鹽鐵論幣與世易夏后氏  
以元貝釋詁迪道也道與導同言子有治政共  
天位者或共置貨貝寶玉而坐擁不遷乃祖乃

父告高后曰作丕刑于朕孫相導高后而重降  
以災禍表記曰般人尊神率民以事神故三傷  
之以高后之降罰

嗚呼。今予告汝不易。永敬大恤。無胥絕遠。汝分猷  
念以相從。各設中于乃心。

易讀如樂記慢易之易玉篇設置也中左傳成  
十三年劉子曰民受天地之中以生是也古與  
衷通廣雅衷善也言今予告汝不可慢易當永  
敬此大患共遷新邑而無相絕遠汝分子之猷  
念以從往各置天良于乃心

乃有不吉不迪顛越不恭。暫遇姦宄。我乃劓殄滅  
之。無遺育。無俾易種于茲新邑。

說文吉善也釋詁迪作也左傳哀十一年子胥  
諫吳王曰其有顛越不共杜注顛越不共從橫

不承命者也。廣雅：乍，暫也。是暫猶乍也。釋言：遇，偶也。釋詁：偶，合也。是遇猶合也。我乃剿漢書刑法志云：當三族者，先黔剿也。易讀如大雅：施于孫子之施。箋云：施，猶易也。延也。言有不善之人，既不肯作，從橫不承上命，乍焉糾合以爲姦宄。我先從剿辟，然後刑亂用重典，殄滅之而無留遺。或生不使延，易其種類于新邑也。

往哉生生。今予將試以汝遷，永建乃家。



尙書證義

平湖周用錫述

盤庚下

盤庚既遷奠厥攸居乃正厥位綏爰有眾

隸釋載漢石經殘碑作般庚既遷般盤古通鄭注徙主于民故先定其里宅所處次乃正宗廟朝廷之位

曰無戲怠懋建大命

鄭注勉立我大命使心識教令常行之

今予其敷心腹腎腸歷告爾百姓于朕志罔罪爾  
厥爾無共怒協比讒言予一人

堯典正義云鄭注尚書篇與夏侯等同而經字多異夏侯等書心腹腎腸曰憂腎陽按文選魏都賦劉淵林注引盤庚作優賢揚歷管寧傳奏左思賦亦用優賢揚歷語是憂腎陽乃古文優賢揚歷字屬上為句正義所引鄭本有脫誤百姓詳堯典此開誠以釋前嫌

古我先王將多于前功適于山用降我凶德嘉績于朕邦

立政三亳鄭注東成臯南轅轅西降谷是其地依山故曰適于山也釋詁降落也嘉美也言古我先王成湯將光大前人之業由商丘往依于亳之高山用脫落此凶德美其功于朕之邦也

今我民用蕩析離居罔有定極爾謂朕曷震動萬民以遷

書序祖乙圮于耿作祖乙鄭注祖乙又去相居耿而國為水所毀于是修德以禦之不復徙也

錄此篇者善其國圯毀改政而不徙是祖乙之時已患河圯至盤庚而為害滋大其勢不得不遷而眾臣反以為震動萬民也

肆上帝將復我高祖之德亂越我家朕及篤敬恭

承民命用永地于新邑。

廣雅越治也周語汨越九原說苑指武篇城郭不修溝池不越皆謂治也釋名及急也公羊傳隱元年及猶汲汲也

肆予冲人非廢厥謀弔由靈各非敢違卜用宏茲賁。

釋詁弔極訓同是弔猶極也由從訓同是由猶從也廣雅靈善也賁讀如賁卦之賁廣雅賁美也言肆予冲人非棄汝之謀乃極欲從謀之善者爾眾亦非敢違卜稽用是光大此新邑之美

耳

嗚呼。邦伯師長。百執事之人。尚皆隱哉。

釋詁伯長也邦伯卿也釋詁師衆也師長衆大夫也廣雅隱安也方言隱據定也歎息言大小之臣庶幾皆安定哉

予其懋簡相爾。念敬我衆。

相如周禮上春相筮之相鄭注謂更選擇其著是簡相猶簡選也釋名念黏也意相親愛心黏著不能忘也言予懋其簡選以親愛欽崇我衆

朕不肩好貨。敢恭生。生鞠人謀人之保。居綬欽。

周頌佛時仔肩箋云仔肩任也方言鞠養也廣雅聚居也是居猶聚也周禮小宰六綬鄭注綬秩次也言朕不任好貨之人惟勇敢奉命進進養人謀人之保聚者秩次欽崇蓋錄綬從遷之

功

今我既羞告爾于朕志若否罔有弗欽。

釋詁羞進也釋詁若臧訓同是若猶臧也若否即大雅臧否否讀若鄙屬上為句臧即上文云敢恭生生否即上文云不肩好貨也大雅邦國若否文義相同言今我既進告爾于朕志之所臧否如此爾其罔有弗欽

無總于貨寶生生自庸。

說文總聚束也周禮司勳民功曰庸言無聚貨賄寶玉惟進進以立民功

式敷民德永肩一心。

釋言式用也言汝用布民德永任以一心

尚書證義

平湖周用錫述

高宗彤日

高宗彤日越有雝雝。

釋天釋又祭也。周曰釋商曰彤夏曰復昨月令鄭注雝雄雝鳴。

祖已曰惟先格王正厥事。

鄭注祖已謂其黨。

乃訓于王曰惟天監下民典厥義降年有永有不永非天天民民中絕命。

說文監臨下也廣雅典主也義當讀如儀周禮肆師注鄭司農云古者書儀但為義釋詁儀善

也。有不永爲句。廣雅：夭折也。中讀如射中之中。言天之臨下民，惟主其善降年，使有永，其有不永者，非天之短折其民，乃民適中其絕命爾。此言善人之修短亦有數。

民有不若德，不聽罪。天既孚命，正厥德，乃曰其如

台。

孚當作俘，簡策偏旁摩滅也。釋詁：俘，取也。俘命猶奪其魄也。漢書孔光傳：引作付命，而釋之云：天既付命，罰之亦此意也。言民有不順德，不聽罪者，天既取其命以正其德，乃曰其如何，是無所禱也。此言凶人之年數乃自折。

嗚呼！王司敬民，罔非天庥，典祀無豐于昵。

廣雅：司，主也。釋詁：昵，近也。

尚書證義

平湖周用錫述

西伯戡黎

釋詁戡克也說文引商書西伯戡黎云殺也漢書引治州鳩曰王心弗戡孟康注戡古堪字釋詁郭注亦引作西伯堪黎是戡我堪古今字音義竝同黎說文邑部又作黎云殷諸侯國在上黨東北商書西伯戡黎篆文國名多从邑如奄之為鞞許之為鬻正相同也大傳又作西伯戡者史記殷本紀又作飢徐廣曰飢亦作既皆未詳

西伯既戡黎祖伊恐奔告于王

鄭注西伯周文王也時國于岐封為雍州伯也南兼梁荆國在西故曰西伯戡黎入紂圻內漢書地理志上黨郡壺關縣有羊腸坂沾水東至朝歌入淇應劭注黎侯國也今黎亭是通典云



潞州上黨縣古黎侯國西伯戡黎卽此漢爲壺  
關縣又云壺關縣古黎國地有羊腸坂後魏移  
壺關縣于此又括地志云故黎城黎侯國也在  
潞州黎城縣東北十八里據此諸說則漢魏唐  
宋之壺關上黨黎城三縣皆古黎國地蓋商畿  
內之諸侯而其故墟則實在黎亭故九域志云  
潞州黎侯亭在黎侯嶺上也蔡澤謂應侯曰決  
羊腸之險塞太行之道王莽命王嘉曰羊頭之  
阨當燕趙卽此元和郡縣志太行陘在懷州北  
濶三步長四十里羊腸所經瀑布懸流實爲險  
隘是周之戡黎旣得太行羊腸之險去朝歌僅  
三百餘里故祖伊恐而奔告也

曰天子天旣訖我殷命格人元龜罔敢知吉非先  
王不相我後人惟王淫戲用自絕。

玉篇訖畢也罔敢知吉論衡云吉人鑽龜輒從  
善兆凶人揲著輒得逆數紂至惡之君也當時  
災異繁多七十卜而皆凶也

故天棄我。不有康食。不虞天性。不迪率典。

廣雅虞安也。儀禮士虞禮注。虞猶安也。廣雅迪蹈也。

今我民罔弗欲喪。曰天曷不降威。大命不孽。今王其如台。

周南關雎箋云。孽之言至也。史記作大命胡不至。唐石經命字下旁增胡字。是初時脫誤。後來旁增。今本復脫也。說文引商書曰。大命不孽。云至也。讀若孽。是孽至音義俱同。此祖伊述民之怨言。而以爲今王其如之何。

王曰。嗚呼。我生不有命在天。

史記殷本紀云。紂知足以拒諫。言足以飾非。

祖伊反曰。嗚呼。乃罪多參在上。乃能責命于天。

玉篇公累塹為牆壁也。尚書以為參字是本。作  
公讀若參。後遂改公為參。又說文參字从。汗  
簡卷中亦有參。云見尚書。是古文本从。玉篇  
之公已為隸變也。說文責求也。左傳桓十三年  
宋多責賂于鄭。

殷之卽喪指乃功不無戮于爾邦。

玉篇卽就也。說文戮殺也。

尚書證義

平湖周用錫述

微子

微子若曰。父師少師。殷其弗或亂正四方。我祖底

遂陳于上。我用沈酗于酒。用亂敗厥德于下。

鄭注。父師者三公也。箕子為之少師者。太師之佐。孤卿也。時比干為之微。與其俱在圻內。箕子比干。紂之諸父。說文或邦也。重文。域是或即域也。釋詁。亂治也。域治正四方。即商頌云。正域彼四方。肇域彼四海也。釋言。底致也。小雅。維禹成不遂。毛傳。遂安也。古者甸陳相同。小雅。維禹成之。毛傳。甸治也。周禮。鄭注。引作維禹陳之。微子呼父師少師而言。殷其弗復正域彼四方矣。我祖成湯致安治于上。而我用沈酗于酒。用是亂敗其德于下。言我用者。不斥言紂也。

殷罔不大小。好草竊姦宄。卿士師師非度。凡有辜罪。乃罔恆獲。小民方興。相為敵讎。今殷其淪喪。若涉大水。其無津涯。殷遂喪。越至于今。

商頌降于卿士實惟阿衡竹書紀年武丁元年命卿士甘盤六年命卿士傅說。是卿士殷之執政者也。度讀如小雅周爰諮度之度非度猶不問也。釋詁恆常也。方讀如旁鄭注士喪禮云古文方為旁說文旁溥也。史記宋世家作小民竝與義正同。越至于今屬上為句。左傳成二年射其左。越于車下。杜注越隊也。言殷民無論小大皆樂為草竊姦宄。其執政之卿士師師在位而置之不問。凡民之有辜罪無有以常法捕獲者。于是小民竝起報復。相為敵讎。今殷之淪于喪亡。譬涉大川。其無濟渡之處。涯岸之依。殷遂喪墜。其天命至于今也。

曰。父師少師。我其發出狂。吾家耄遜于荒。今爾無

指告子顛躋若之何其。

狂當讀為往。史記宋世家作我其發出往。集解引鄭注我其起作出往也。馬注卿大夫稱家家耄康誥云商考成人也。釋言遜遜也。告字當屬上為句。說文足部云躋升也。引商書曰子顛躋。史記宋世家今女無故告子顛躋。集解亦讀告字絕句。子顛躋為句。躋訓為升。反其義亦為墜。左傳昭十三年知躋于溝壑是也。顛躋謂死難也。躋躋音義同。

父師若曰。王子天毒降災。荒殷邦。方興沈酗于酒。乃罔畏畏。拂其耆長。舊有位人。

說文毒厚也。史記作天篤。下留亡殷國。釋詁篤厚也。文異義同。前漢書張騫傳身毒在大夏。東南李奇注一名天篤。是毒與篤古通。廣雅畏畏敬也。說文拂違也。大雅告爾舊止。箋云舊久也。

今殷民乃攘竊神祇之犧牲。牲用以容。將食。無災。

鄭注儀純毛牲體完具用如周禮牧人陽祀用  
 駢牲陰祀用駟牲之用釋詁將大也災如舜典  
 眚災肆赦之災言今殷民甚敢攘竊郊社之養  
 牲于以容隱其大嚼而不為之罪刑罰之縱失  
 如此

降監殷民用乂讎斂召敵讎不怠罪合于一多瘠

罔詔。

釋詁降下也說文監臨下也釋詁乂治也用乂  
 讎斂大雅云曾是彊禦曾是掎克也召敵讎大  
 雅云寇攘式內也不怠大雅云女興是力也罪  
 合于一大雅云侯作侯祝靡屈靡究也多瘠罔  
 詔大雅云無陪無卿也詔若周禮大宰以八柄  
 詔王之詔言其下臨殷民則又治之如讎以暴  
 斂凡足以召敵讎者不遺餘力於是罪惡皆集  
 于一人而民之疾苦亦無有告王者

商今其有災我興受其敗商其淪喪我罔為臣僕

詔王子出迪。我舊云刻子。王子弗出。我乃顛隳。

廣雅有取也。玉篇同。說文敗毀也。彳部引商書曰。我興受其退。云敷也。義相同。廣雅迪蹈也。左傳哀二十一年。使我高蹈。廣雅刻分也。言商今其自取災。我起而適當其敷。商若淪于喪亡。我以宗人位三公。義無爲臣僕。今指告王子出亡。高蹈。我舊日曾言分封子。而王子弗就出封。我將來乃惟顛隳耳。

自靖。人自獻于先王。我不顧行遯。

釋詁。靖。謀也。又享。孝也。享。獻也。是獻猶孝也。言善自爲謀。各人自孝于先王。我則不敢顧念行遯。爾蓋微子爲王子。無職守。箕子爲三公。義不可去。



尚書證義

平湖周用錫述

周書牧誓

時甲子昧爽，王朝至于商郊，牧野，乃誓。王左杖黃

鉞，右秉白旄，以麾，曰：「逝矣，西土之人！」

史記甲子上有二月字，周語伶州鳩對景王曰：昔武王伐殷，歲在鶉火，月在天駟，日在析木之津，辰在斗柄，星在天龍，星與日辰之位皆在北維，顛頊之所建也。漢書律歷志據以為說云：三統上元至伐紂之歲，十四萬二千一百九歲，歲在鶉火，張十三度，書序曰：「十一年，武王伐紂，泰誓八百諸侯會，還歸二年，乃遂伐紂，克殷，以箕子歸。」子歸十三年也。故書序曰：「武王克殷，以箕子歸。」作洪範，洪範篇曰：「惟十有三祀，王訪于箕子。」自文王受命至此十三年，歲在鶉火，周之分野也。

師初發以殷十一月戊子日在房五度房為天駟故  
傳曰日在析木是夕月在房正月辛卯朔合辰  
在斗前一度斗柄也故傳曰辰在斗柄明日壬  
辰晨星始見癸巳武王始發丙午速師戊午度  
孟津孟津去周九百里師行三十里故三十一  
日而度明日己未冬至晨星與婺女伏歷建星  
及牽牛至于婺女天龍之首故傳曰星在天龍  
周書武城篇惟一月壬辰旁死霸若翌日癸巳  
武王朝步自周于征伐紂序曰一月戊午師度  
孟津至庚申二月朔日也四日癸亥至牧野夜  
陳甲子味爽而合矣故傳曰王以二月癸亥夜  
陳武城篇曰粵若來二月既死霸粵五日甲子  
咸劉商王紂也說文昧闇也爽明也周語伶州  
鳩曰王以二月癸亥夜陳未畢而雨以夷則之  
上宮畢之六韜云武王東伐至河上雨甚雷疾  
太公率眾先涉呂氏春秋貴因覽云武王至鮪  
水殷使膠鬲候師武王告以甲子膠鬲行天雨  
日夜不休武王疾行不輟據此諸書是戊午師  
逾孟津連日天雨晦冥至甲子其昧忽明故大

雅云會朝清明毛傳以會朝為甲朝鄭箋亦即引牧誓昧爽以証清明也鄭注郊外曰野將戰于郊故至牧野而誓牧野紂南郊地說文作坵野云朝歌南七十里地武王與紂戰于坵野玉篇云古文尚書作坵野說文逖遠也重文邊云古文逖釋詁邊遠也郭注引書作邊矣西土之人

王曰嗟我友邦冢君御事司徒司馬司空亞旅師

氏千夫長百夫長

左傳文十五年宋華耦來盟公與之宴辭請承命于亞旅杜注亞旅上大也正義引牧誓為証成三年魯賜晉三帥三命之服亞旅皆一命之服杜注亞旅大夫也周禮地官師氏掌以嫩詔王王舉則從使其屬帥四夷之隸各以其兵服守王之門外其官中大夫而職任綦重故特舉之也鄭注千夫長師帥也百夫長旅帥也

及庸蜀羌髳微盧彭濮人

左傳宣七年凡出師與謀曰及文十六年庸人  
 帥羣蠻以叛楚杜注庸今上庸縣屬楚之小國  
 華陽國志武王伐紂實得巴蜀之師說文羌西  
 戎牧羊人也商頌自彼氐羌箋云氐羌夷狄國  
 在西方者小雅如蠻如髦毛傳髦夷髦也箋云  
 髦西夷別名山海經積石山有髦民後漢書西  
 羌傳武王伐商羌髳率師會牧野微見立政他  
 無可考左傳桓十二年屈瑕伐羅羅與盧戎兩  
 軍之杜注盧戎南蠻釋文盧如字本或作廬音  
 同據此則文十六年傳楚使盧侵庸者即廬也  
 史記又作廬蓋古文左傳桓十二年楚伐絞楚  
 師分涉于彭杜注彭文在郢都新郢城昌魏縣孔疏引  
 釋例云彭水至南鄉筑陽縣入漢水經注筑水  
 出梁州新城郡昌魏縣界杜預以為彭水也鄭  
 語史伯曰叔逃難于濮而蠻又楚蚡昌始啓濮  
 韋昭注濮南蠻之國左傳文十六年麋人率百  
 濮聚於選釋例云建寧郡南有濮夷無君長總  
 統各以邑落自聚故稱百濮又稱叟濮後漢書

李恢傳賦出叟漢是也

稱爾戈比爾干。立爾矛。予其誓。

方言戟楚謂之子吳揚之閒謂之戈楯自關而東或謂之楯或謂之干關西謂之楯是戈卽戟干卽楯也考工記廬人爲廬器曾矛常有四尺夷矛三尋

王曰。古人有言曰。牝雞無晨。牝雞之晨。惟家之索。  
孔傳索盡也

今商王受。惟婦言是用。昏棄厥肆。祀弗答。昏棄厥遺。王父母弟。不迪。乃惟四方之多罪逋逃。是崇是長。是信是使。是以爲大夫卿士。俾暴虐于百姓。以姦宄于商邑。

王父母弟釋親謂之從父昆弟釋詁迪進也不  
迪史記作不用義同左傳宣十二年樂武子曰  
師叔楚之崇也杜注楚人所崇貴

今予發惟恭行天之罰今日之事不愆于六步七  
步乃止齊焉夫子勛哉

鄭注好整好暇用兵之術釋詁勛勉也方言齊  
魯謂勉曰勛

不愆于四伐五伐六伐七伐乃止齊焉勛哉夫子

鄭注伐謂擊刺也一擊一刺曰一伐始前就敵  
六步七步當止齊正行列及兵相接少者四伐  
多者五伐又當止齊正行列也

尙桓桓如虎如貔如熊如羆于商郊弗迓克奔以  
役西土勛哉夫子

釋訓桓桓威也說文引周書曰尙桓桓釋文逐  
馬本作禦鄭注禦強禦謂強暴也是馬鄭同史  
記亦作禦釋詁克殺也穀梁傳隱五年戰不逐  
奔言不得強禦殺奔北者以勞役我西土之人  
爾所弗勛其于爾躬有戮。

廣雅戮罪也。

尚書證義

平湖周用錫述

洪範

釋詁洪大也。範法也。伏生大傳蔡邕石經竝作鴻。鴻洪古通。洪範武王所訪。故史臣錄之以列周書。箕子所作。故傳記所引皆以為商書。

惟十有三祀王訪于箕子。

釋天商曰祀。周曰年。此周書而稱祀者。武王克殷之初。尚未改祀。為年。故史書仍商之稱。猶逸周書柔武解。惟云維王元祀。大開武解。惟王一祀。小開武解。惟王二祀。寶典解。鄧謀解。惟王三祀。大匡解。文政解。惟十有三祀也。釋詁訪。謀也。說文。汜。謀曰訪。王制。鄭注。殷爵三等。公侯伯也。異畿內謂之。子。鄭志。答張逸。問云。微子箕子。畿內采地之爵。非畿外治民之君。汗簡云。箕古文箕。

尚書證義

卷十一

一

友伏齋本



見尚書莊子大宗師篇箕子胥餘司馬彪注胥  
餘箕子名也書序云武王勝殷殺紂立武庚以  
箕子歸作洪範是訪範在宗周不在商邑孔傳  
此年四月歸宗周先告武成次問天道史記宋  
世家云既作洪範武王乃封箕子于朝鮮

王乃言曰。嗚呼箕子。惟天陰隲下民。相協厥居。我  
不知其彝倫攸斁。

公羊傳宣八年乃緩辭也漢書五行志此武王  
問洛書于箕子是武王知箕子衍範故特鄭重  
訪之也廣雅隲定也釋詁相勗也協和也史記  
宋世家作陰定下民相和厥居王言惟天陰定  
下民助之合和其居我未知聖人之則天其彝  
倫果何如得所斁也


箕子乃言曰。我聞在昔。鯀陞洪水。汨陳其五行。帝  
乃震怒。不畀洪範九疇。彝倫攸斁。鯀則殛死。禹乃

嗣興天乃錫禹洪範九疇彝倫攸敘。

五行志此箕子對禹得洛書之意也孔傳陞塞汨亂也周語太子晉曰共工壅防百川墜高陞庠以害天下崇伯稱遂共工之過是也說文引商書曰鯀堙洪水云堙塞也堙陞古今文音義竝同釋詁震動也昇賜也數釋文讀多路反大雅耗數下土箋云數敗也說文引商書曰彝倫攸斁云敗也汗簡云斁古文數見尙書五行志易曰河出圖洛出書聖人則之劉歆以為伏羲繼天而王受河圖則而畫之八卦是也禹治洪水錫洛書法而陳之洪範是也九疇劉歆班固皆以為九章鄭注孔傳皆以為九類

初一曰五行。次二曰敬用五事。次三曰農用八政。次四曰協用五紀。次五曰建用皇極。次六曰乂用三德。次七曰明用稽疑。次八曰念用庶徵。次九曰

嚮用五福威用六極

釋文引馬注五行至六極是洛書文劉炫以為  
 洛書龜文惟二十字其初一日二十七字敬用  
 農用一十八字禹所第序是劉與馬同也漢書  
 五行志劉歆以為凡此六十五字皆洛書本文  
 正義謂天言簡要必無次第之數是也敬五行  
 志及孔光傳竝引作羞說文敬肅也从支苟會  
 意古文作隸遂譌敬為羞以形相似也敬用  
 五事即臯陶謨云慎厥身修也廣雅農勉也左  
 傳襄十三年君子尚能而讓其下小人農力以  
 事其上管子大匡篇耕者用力不農有罪無赦  
 皆古者謂勉為農也農用八政即益稷云率作  
 典事也協五行志作叶應劭注叶合也說文叶  
 古文協今漢書誤作叶協用五紀即堯典云欽  
 若昊天也釋詁皇君也周頌莫匪爾極毛傳極  
 中也商頌四方之極箋云極中也建用皇極即  
 論語云允執厥中也釋詁又治也五行志作艾  
 師古注艾讀曰父古又艾通詳堯典又用三德  
 即臯陶謨云能官人也釋訓明明明察也明用稽

疑卽左傳引夏書曰官占惟先蔽志昆命于元  
龜也釋詁念思也念用庶徵卽益稷云勅天之  
命惟時惟幾也嚮如說卦嚮明而治之嚮威如  
益稷否則威之威嚮用五福威用六極卽舜  
典云黜陟幽明也凡用皆謂人君用之五行不  
言用者左傳襄二十七年子罕曰天生五材民  
竝用之廢一不可故不必言用也

一五行。一曰水。二曰火。三曰木。四曰金。五曰土。

鄭注此數本諸陰陽所生之次也漢書五行志  
天曰一生水地曰二生火天曰三生木地曰四  
生金天曰五生土五位皆曰五而合而陰陽易  
位故曰妃曰五成然則水之大數六火七木八  
金九土十故水曰天一爲火二牡木以天三爲  
土十牡土曰五爲水六牡火曰天七爲金四  
牡金曰天九爲木八牡陽奇爲牡陰耦爲妃也  
蓋洪範所綏五行之生數月令所舉五行之成  
數繫辭所云天一地二天三地四天五地六天  
七地八天九地十此五行生成之數也至于水

尚書證義

卷十一

三

友伏齋本

火金木土者六府孔修之序也木火土金水者  
四時相生之序也木金火水土者五德相勝之  
序也史記宋世家五行以下無一二等字漢石  
經竝同

水曰潤下火曰炎上木曰曲直金曰從革土爰稼

穡。

釋詁爰曰也王注種之曰稼斂之曰穡正蒙曰  
水火氣也故炎上潤下與陰陽升降土不得而  
制焉木金者土之華實也其性有水火之雜故  
木之為物水漬則生火然而不離也蓋得土之  
浮華于水火之變也金之為物得火之精于土  
之燥得水之精于土之濡故水火相得而不害  
爍之反流而不耗蓋得土之精實于水火之際  
也木曰曲直能既曲而反申也金曰從革一從  
革而不能自反也土者物之所以成始而成終  
也地之質也化之終也水火之所以升降物兼  
體而不遺也

潤下作鹹炎上作苦曲直作酸從革作辛稼穡作甘。

月令鄭注鹹水之味凡鹹者皆屬焉苦火之味凡苦者皆屬焉酸木之味凡酸者皆屬焉辛金之味凡辛者皆屬焉甘土之味凡甘者皆屬焉五味言作者夏氏謂五行之初未成五味久之而後變為其味也

二五事一曰貌二曰言三曰視四曰聽五曰思

鄭注此數本諸陰陽昭明人相見之次也漢書五行志五事配五行謂貌木言金視火聽水思土也董仲舒劉歆孟之言災異鄭注大傳及孔傳孔疏竝同此說

貌曰恭言曰從視曰明聽曰聰思曰睿

孔子閒居氣志既從鄭注從順也左傳文十四年趙宣子曰其詞順襄二十五年趙文子曰其

辭順是言貴順也說文叡深明也通也睿古文  
 叡鄭注睿通于政事漢書五行志作容應劭注  
 容通也容蓋容之誤說文容深通川也引虞書  
 曰容畎澮距川是容即古文濬也春秋繁露述  
 五行五事篇云思曰容言王者心寬大無所不  
 容是直讀容為容蓋今文正論云己之貌使人  
 視之而可畏可象是曰恭己之言使人聽之而  
 有倫有脊是曰從人之貌己視之而知其邪正  
 是曰明人之言己聽之而知其是非是曰聰當  
 貌思貌當言思言當視思視當聽思聽而能通  
 乎微以致其恭從明聰是曰睿貌言視聽思蒸  
 民所謂有物也恭從明聰睿蒸民所謂有則也

恭作肅從作又明作哲聽作謀睿作聖。

鄭注君貌恭則臣禮肅君言從則臣職治君視  
 明則臣昭哲君聽聰則臣進謀君思睿則臣賢  
 智此所致皆是君致臣謂其政所致也哲五行  
 志作哲小雅小旻曰國雖靡止或聖或否民雖  
 靡盬或哲或謀或肅或艾五事之德見于他經  
 者惟此而已

三八政。一曰食。二曰貨。三曰祀。四曰司空。五曰司徒。六曰司寇。七曰賓。八曰師。

鄭注此數本諸其職先後之宜也大傳云八政何以先食食者萬物之始人事之所本也故先食貨所以通有無利民用故卽次之食貨既足民生厚矣成民而後致力於神故次祀王制云食節事時民咸安其居樂事勸功尊君親上然後興學故司空在司徒之先先教而後誅故司寇在司徒之後德立刑行遠方賓服故次賓其有暴虐無道不率化者則六師征之也按八政言司寇不言士皇極言遵王不言帝則自一行以下箕子衍以廣九疇之義而非禹所敘之辭

四五紀。一曰歲。二曰月。三曰日。四曰星辰。五曰歷數。



分至啓閉紀於歲者也。朔望朏霸紀於月者也。永短昏昕紀於日者也。列星見伏昏旦中日月躔逡紀於星辰者也。盈宿經緯終始相差紀於歷數者也。紀於歲者察之日行發斂紀於月者察之日月之會交道表裏紀於日者察之晝夜刻漏出入里差紀於星辰者察之十有二次。暨星與黃赤道相值紀於歷數者察之圭業隨時測驗積微成著修正而不失。

五皇極皇建其有極。斂時五福用敷錫厥庶民。惟時厥庶民于汝極錫汝保極。

釋詁：斂，聚也。說文：敷，施也。敷錫，若漢書鼂錯云：人情莫不欲壽，三王生之而不傷，人情莫不欲富，三王厚之而不困，人情莫不欲安，三王扶之而不危，人情莫不欲逸，三王節其力而不盡，是也。幽風：晝爾于茅，毛傳：于，往取也。曰：汝者，九疇也。天錫箕子推天意以垂法戒，非稱武王之辭也。敷錫，是上錫下錫，保是下錫上錫，古者上下通稱錫也。詳堯典：言人君建立中德，聚天之五福于

一身用是施錫諸庶民。惟時之庶民往取汝極而歸心，亦錫汝以保安此極。

凡厥庶民，無有淫朋。人無有比德，惟皇作極。

人在位者淫朋若史記游俠傳是也。比德若漢書黨錮傳是也。言在野之民無淫朋在朝之人無比德。惟人君有以作之極也。

凡厥庶民有猷有為有守。汝則念之不協于極，不罹于咎。皇則受之而康而色。曰予攸好德，汝則錫之福。時人斯其惟皇之極。

釋詁：猷，謀也。方言：念，常思也。罹，史記引作離。大傳引作麗。罹，離麗。古竝通。說文：咎，災也。釋詁：皇，君也。淮南子：轉化推移得之道。而以少勝多。高誘注：而能也。呂氏春秋：士容論：柔而堅，虛而實。高誘注：而能也。而與能古通。屯卦象傳：宜建侯而不寧。鄭注：而作能。履卦六三：眇能視，跛能履。

無虐癸獨而畏高明。

馬注：高明，顯寵者。揚雄解嘲云：高明之家，鬼瞰其室。是也。言小民之孤苦者，不可虐。強宗之尊顯者，不可畏。

人之有能有為，使羞其行而邦其昌。凡厥正人，既富方穀。汝弗能使有好于而家，時人斯其辜。于其無好德，汝雖錫之福，其作汝用咎。

釋詁：羞，進也。正，長也。古者一官之長，皆謂之正。國語：南正重，司天；北正黎，司地。左傳：五行之官。

有木正。火正。金正。水正。土正。而稷爲田正。虞思爲陶正。滕侯爲卜正。周禮天官之屬有宮正。酒正。皆是也。富周禮太宰云。祿以馭其富也。釋詁。穀善也。說文。好美也。如論語室家之好之好。無好德。猶不好德也。言人之有能。有爲者。勸之使進。其行則國事治。而克昌。凡百官之長。旣富其祿。方善其職。汝若弗能使之贍足于家。則無以養廉。是人將麗于罪矣。然底祿以德。苟于不好德之人。汝雖錫之以福。其反爲汝用災。

無偏無陂。遵王之義。無有作好。遵王之道。無有作惡。遵王之路。無偏無黨。王道蕩蕩。無黨無偏。王道平平。無反無側。王道正直。會其有極。歸其有極。

此布爲言。以教民。所謂敷言也。陂。孔傳及漢石經。竝作頗。唐元宗以上。下文皆協韻。惟頗字不倫。據周易泰卦。詔改頗爲陂。然周禮肆師注。鄭司農云。義讀爲儀。古者書儀。但爲義。吳才老韻。

補儀牛何反古皆音俄則頗與義本相協也馬  
 注好私好也說文引商書曰無有作政玉篇又  
 作玁云古文好鄭注會其有極謂君也當會聚  
 有中之人以爲臣也歸其有極謂臣也當就有  
 中之君而事之

曰皇極之敷言是彝是訓于帝其訓凡厥庶民極  
 之敷言是訓是行以近天子之光曰天子作民父

母以爲天下王。

廣雅訓順也史記宋世家作于帝其順古者訓  
 順馴多互其讀周禮土訓鄭司農讀訓爲馴易  
 馴致徐邈讀馴爲訓史記能馴俊德索隱云徐  
 廣讀馴曰訓廣雅馴順也蓋音近義同說文近  
 附也春秋繁露王者民之所往也說文王天下  
 所歸往也言人君子于皇極之敷言是法是順而  
 于天意其順則凡厥庶民亦于極之敷言順之  
 無偏黨行之遵道路以附天子之光咸相興感

曰天子作民父母以爲天下所歸往此言錫保之教也

六三德。一曰正直。二曰剛克。三曰柔克。平康正直。

彊弗友。剛克。變友。柔克。沈潛剛克。高明柔克。

正直正之以直也。釋詁克勝也。言君之治臣用此三德其性行平康者則正之以直而使不流于唯阿性行彊弗友者克之以剛而使不涉于驕蹇性行變友者克之以柔而使不至于畏憚性行沈潛者亦克之以剛而使激于發揚性行高明者亦克之以柔而使歸于篤實

惟辟作福。惟辟作威。惟辟玉食。臣無有作福作威。玉食。臣之有作福作威玉食其害于而家。凶于而

國人用側頗僻。民用僭忒。

釋詁辟君也。鄭注作福專爵賞也。作威專刑罰也。玉食備珍異也。害于女家福去室凶于女國

亂下民此言君治人之權不可下移臣職不可上僭

### 七稽疑擇建立卜筮人乃命卜筮

廣雅稽問也說文引書曰卜疑云卜以問疑也讀與稽同卜稽古今文左傳引夏書曰官占祖伊奔告王曰格人是夏商亦立卜筮之官也左傳晉侯使卜偃卜之秦伯使卜徒父筮之是居此官者乃命之不使不立者占古之制也

曰雨曰霽曰蒙曰驛曰克曰貞曰悔凡七卜五占

### 用二衍忒

鄭注雨者兆之體氣如雨然也霽者兆如雨止之雲氣在上也周禮太卜注引作曰濟史記宋世家亦作曰濟釋天濟謂之霽是濟霽義同也蒙古文作霽鄭注霽者色不澤鬱冥冥也宋世家作霽說文霽地氣發天不應霽籀文霽省是霽即霽也太卜注又引作曰孟蓋聲之假借鄭

讀霽聲近蒙孔傳遂改霽為蒙也驛今文作圍  
 鄭注圍者色澤而光明也齊風載驅箋云古文  
 尚書以悌為圍正義云洪範卜兆有曰圍古文  
 作悌今文作圍賈逵以今文校之定為圍故鄭  
 依賈氏所奏為圍也說文引書圍讀若驛孔傳  
 遂改圍為驛也宋世家又作滌蓋古文悌之誤  
 其史記引鄭注及太卜注皆以驛在蒙之前鄭  
 注克者如禳氣之色相犯也周禮太卜注引作  
 曰剋剋音義竝同鄭注內卦曰貞貞正也外  
 卦曰悔悔之言晦晦猶終也左傳僖十五年蠱  
 之貞風也其悔山也杜注內卦為貞外卦為悔  
 晉語得貞屯悔豫皆八韋昭注內曰貞外曰悔  
 是杜與韋皆同鄭也說文引商書曰貞曰剋云  
 剋卦之上體也剋悔古今文音義相同說文占  
 視兆問也宋世家作占之用繫辭大衍之數五  
 十其用四十有九鄭注衍演也合天地之數演  
 而用之十有八變而成卦大雅鞠人伎忒毛傳  
 忒變也說文忒更也訓異義同古文忒作貞豫  
 卦四時不忒京房易亦作貞是貞與忒古通鄭  
 注卜五占之用謂兩霽圍霽克也二衍貞謂貞



悔也卦象多變故言衍貞蓋言總計之凡七其  
卜之兆象有五爲占者之用貞悔二者則演其  
六爻參伍之變也

立時人作卜筮三人占則從二人之言。

周禮太卜掌三兆之法一曰玉兆二曰瓦兆三  
曰原兆掌三易之法一曰連山二曰歸藏三曰  
周易是卜筮各有三法三法竝卜法有一人故  
三人也金縢乃卜三龜一習吉儀禮士喪禮卜  
葬日占者三人貴賤俱用三龜是古者三法竝  
卜也從二人左傳成六年欒武子曰善鈞從眾  
也

汝則有大疑謀及乃心謀及卿士謀及庶人謀及  
卜筮汝則從龜從筮從卿士從庶民從是之謂大  
同身其康彊子孫其逢吉汝則從龜從筮從卿士

逆庶民逆吉。卿士從龜從筮從。汝則逆。卿士逆吉。汝則從。龜從筮逆。卿士逆。庶民從。龜從筮從。汝則逆。卿士逆吉。汝則從。龜從筮逆。卿士逆。庶民逆。作內吉。作外凶。龜筮共違于人。用靜吉。用作凶。

謀及乃心。左傳引夏書曰。惟先蔽志。是也。卿士詳微子謀及庶人。周禮小司寇云。掌外朝之政。以致萬民而詢焉。是也。子孫其逢。當與上文從同。叶音為句。吉字當與下文五吉例。為句。馬注逢大也。儒行逢掖之衣。鄭注逢大也。猶大也。荀子非十二子篇。其衣逢楊倮。注逢大也。是子孫其逢猶其後必大也。稽疑不能皆大同。故三從二逆亦得為吉。若盤庚之卜遷殷成王之卜東征。是也。然三從之中。必龜筮皆從。而人謀或違。始可以信。蓋以鬼神無私。而人心或有欲也。

八庶徵。曰雨。曰暘。曰燠。曰寒。曰風。曰時。五者來備。

各以其敝庶草蕃廡。

鄭注雨木氣也春始施生故木氣為雨暘金氣也秋物成而堅故金氣為暘煥火氣也寒水氣也風土氣也凡氣非風不行猶金木水火非土不處故土氣為風釋詁時是也曰時屬下為句廡古文作無說文引商書曰庶草蕃無云豐也讀文甫切玉篇蕃無豐盛也今作無為有無字按說文廡堂下周屋也蕪蕪也蕪亡也四字義各相別後人以無為有無之無以蕪為蕃無之無復借廡為無而蕪字遂廢而不用言是五者之來其備無闕各應節候則萬物莫不遂其生雖庶草之微亦有蕃廡之象矣此言庶徵之休

一極備凶。一極無凶。

極備若月令云寒氣時發風災數起也極無若月令云時雨不降方冬不寒也凶若月令云其民大疫其國大水寇戎來征蟲螟為害也此言庶徵之咎

曰休徵曰肅時雨若曰乂時暘若曰哲時燠若曰  
謀時寒若曰聖時風若。

此言五事之得應休徵孔傳君行敬則時雨順  
之君行政治則時暘順之君能照哲則時燠順  
之君能謀則時寒順之君能通理則時風順之

曰咎徵曰狂恆雨若曰僭恆暘若曰豫恆燠若曰  
急恆寒若曰蒙恆風若。

此言五事之失應咎徵不言極無者恆雨無暘  
恆燠無寒言極備則極無可知也孔傳君行狂  
疾則常雨順之君行僭差則常暘順之君行逸  
豫則常燠順之君行急躁則常寒順之君行蒙  
闇則常風順之又漢書五行志貌之不恭是謂  
不肅厥罰恆雨惟金沴木言之不從是謂不乂  
厥罰恆暘惟木沴金視之不明是謂不哲厥罰  
恆燠惟木沴火聽之不聰是謂不謀厥罰恆寒

惟水火沴水思之不睿是謂不聖厥罰恆風惟木  
金水火沴土是五事應庶徵亦應五行以雨暘  
燠寒風本由五行之氣其理相為貫通也

曰王省惟歲卿士惟月師尹惟日

省若漢書天文志云明君觀之而寤飭身正事  
思其咎謝其過也卿士詳微子釋詁師眾也釋  
言尹正也師尹眾官之正言王當省察一歲之  
庶徵卿士當省察一月之庶徵師尹當省察一  
日之庶徵以修五事而答天意

歲月日時無易百穀用成父用明俊民用章家用  
平康。

易如樂記慢易之易言歲月日時之庶徵君臣  
各修省而無敢慢易則禍除福至其休嘉有如  
此者

日月歲時既易百穀用不成又用昏不明俊民用  
微家用不寧。

說文微隱行也卽坤卦云賢人隱也言歲月日  
時之庶徵君臣不修省而盡慢易則福去災生  
其敗德有如此者上言歲月日此言日月歲蓋  
休徵必合一歲之功始成咎徵則雖旬日之變  
亦害也

庶民惟星星有好風星有好雨日月之行則有冬  
有夏月之從星則以風雨。

庶民不繫于卿士師尹之下者庶民惟觀象以  
占風雨其所省有不同焉者故別言之周禮大  
宗伯以禋燎祀風師雨師鄭司農云風師箕也  
雨師畢也漢書天文志云箕星爲風東北之星  
也又云軫爲車主風史記天官書同春秋緯云  
月離于箕則風揚沙小雅云月離于畢俾滂沱

矣是箕與軫好風畢好雨也天文志云日有中  
 道月有九行中道者黃道一曰光道光道北至  
 東井去北極近南至牽牛去北極遠東至角西  
 至婁去極中夏至至于東井北近極故暑短立  
 八尺之表而暑景長五寸八分冬至至于牽牛  
 遠極故暑長立八尺之表而暑景長三尺一寸  
 四分春秋分日至婁角去極中而暑中立八尺  
 之表而暑景長七尺三寸六分此日去極遠近  
 之差暑景長短之制也月有九行者黃道一黑  
 道二出黃道北赤道二出黃道南白道二出黃  
 道西青道二出黃道東立春春分月東從青道  
 立秋秋分西從白道立冬冬至北從黑道立夏  
 夏至南從赤道然用之一決房中道青赤出陽  
 道白黑出陰道若月失節度而妄行出陽道則  
 早風出陰道則陰雨又云月去中道移而東北  
 入箕若東南入軫則多風月失中道移而西入  
 畢則多雨故日月之從星則以風雨也言王及  
 卿士師尹之所省有如此矣若庶民愚賤則惟  
 省星以占旱潦星各有好風者有好雨  
 者而日月之行則冬夏各有其道若月失其中

道而從好風之箕軫則必有恆風從好雨之畢星則必有恆雨當於未至之先預爲之備也天文志又云若日之南北失節晷過而長爲常寒退而短爲常燠不言日之節可以占寒燠者以晷景非庶民所能測也

九五福。一曰壽。二曰富。三曰康寧。四曰攸好德。五曰考終命。

鄭注此數本諸其尤者福是人之所欲以尤欲者爲先極是人之所惡以尤所不欲者爲先以下緣人意輕重爲次耳

六極。一曰凶短折。二曰疾。三曰憂。四曰貧。五曰惡。六曰弱。

張氏晦之云福有五而極有六其義相反不必數之相敵五福曰壽曰考終命六極曰凶短折



此一極而反二福也五福曰富六極曰貧此一  
 極反一福也五福曰康寧六極曰疾曰憂五福  
 曰攸好德六極曰惡曰弱此二極而反一福也  
 蓋亦各盡其意而已